

On se mit aufsy tost en etat derebatir la chapelle Dieu ayant voulu quil y eust alors un architecte sur les lieux lequel avoit baty cinq autres chapelles tres-bien faites; mais en attendant le capitaine des anies qu'on nomme le grand anié qui avoit fait depuis 15 jours une belle cabane se delogea pour loger nostre seigneur qui recompensa bien son hoste; car premierement il luy fit lhonneur de voir sa cabane convertie en eglise; mais parceque Dieu honora cette chapelle de plusieurs merveilles qui s'y passerent, on y vit venir des personnes en devotion qui faisoient des neufvaines a Catherine du Sault; on fit les mesmes devotions qu'on faisoit dans la belle chapelle de planches avec d'autant plus de ferveur que l'incommodité de ledifice les rigueurs de l hyver les eaux du printemps et les chaleurs de leté estoient plus rudes a souffrir a ceux qui y alloient souvent visiter le St. Sacrement.

il y avoit un an qu'on commença a instruire par les peintures ce qui pleût fort aux Sauvages; on a mesme fait venir toute la vie de nostre seigneur dont on a fait de petits livres que les sauvages portent avec eux a la chafse et s'instruisent eux mesmes on leur a mis ainsy par escrit les sacremens les sept pechés capitaux l'enfer le Jugement la mort et quelques devotions comme du rosaire les ceremonies dela messe

On travailla des lautomme au retablissement de la chapelle: quand l'ouvrier commença les sauvages commencerent a travailler de concert les uns par leurs presens les autres par leurs prieres; ils s'employierent de toutes leurs forces a aider les ouvriers; car quand les pieces furent equarries les charrois